



Republika e Kosovës
Republika Kosova
Republic of Kosovo



KOMUNALASSEMBLY OF MUNICIPALITY/SKUPŠTINA OPŠTINA
SKENDERAJ

Nr. 01-052/01-0011517/26
No. _____
Data 31.03.2026
Date _____



Komuna Skenderaj
Opština Skenderaj
Municipality Skenderaj

Kuvendi i Komunës/Skupština Opštine/Municipality of Assembly

Në bazë të nenit 49, të Ligjit për vetëqeverisje lokale nr. 03/L-040, të Republikës së Kosovës, si dhe nenit 43 të Statutit të Komunës së Skenderajt Nr.01-110-385, të datës 03.12.2008, si dhe Rregulloren e Punës së Kuvendit nenit 27, e në pajtim me rregullat e procedurës.

Ekstrakt nga procesverbali i MBLEDHJES SË KUVENDIT KOMUNAL SKENDERAJ,
i datës 27.02.2026, ora 10:00

1. Fjala hyrëse,
2. Miratimi i rendit të ditës,
3. Shqyrtimi i procesverbalit nga mbledhja e kaluara,
4. Propozim-vendim për Formimin e Komisionit Komunal të Aksionarëve për Ndërmarrjen Publike Regjionale të Mbeturinave Uniteti SH.A Mitrovicë, (raporton Kryetari i Komunës z. Sami Lushtaku).
5. Propozim-vendim për Formimin e Komisionit Komunal të Aksionarëve për Ndërmarrjen Publike Lokale Eko –Natyra SH.A, Skenderaj,(raporton Kryetari i Komunës z. Sami Lushtaku).
6. Propozim-vendim për zgjedhjen e përfaqësuese të Komunës së Skenderajt për Asociacion të Komunave të Kosovës,(raporton Kryetari i Komunës z. Sami Lushtaku).
7. Propozim – vendim për Formimin e Komisionit për Zgjedhjen e Këshillave të Fshatrave, (raporton Kryetari i Komunës z. Sami Lushtaku).
8. Propozim – vendim për Formimin e Komisionit për Shqyrtimin e Ankesave për Procesin e Zgjedhjes së Këshillave të Fshatrave, (raporton Kryetari i Komunës z. Sami Lushtaku).
9. Propozim – Vendim për rishqyrtimin e Vendimit Nr. 01-020.01-0004914/26 i datës; 03.02.2026, për Formimin e Komitetit për Politik dhe Financa. (raporton Kryesuesja e Kuvendit znj Adelina Spahiu Alija).
10. Propozim – vendim për iniciimin e procedurës së hartimit të Planit Zhvillimor të Komunës së Skenderaj për vitin 2026-20234,(raporton drejtori i urbanizmit z. Arbnor Citaku).
11. Pyetjet e këshilltarëve nën pikën të ndryshme.

Kryesuesja e Kuvendit, Adelina Spahiu – Alija : I nderuar Kryetar i komunës z. Sami Lushtaku, të nderuar anëtar të kuvendit, dhe gjithë ju të pranishëm, para se të fillojmë me rend dite, nesër me 28 shkurt, bëhen 28 vite nga beteja e Çirezit dhe Likoshanit, në nderim të Dëshmoreve dhe Martireve të kësaj beteje, ju ftoj një minutë nderim, Lavdi.

Të pranishëm në sallë janë 25 anëtarë anëtarë të Kuvendit, gjatë seancës bashkëngjiten Feriz Shala dhe Donika Mustafa, vazhdojmë me miratimin e rendit të ditës, e hap diskutimin, pasi që nuk ka për diskutim, shkojmë me votim, konstatojmë se me 23 vota për asnjë kundër , 3 abstenime miratohet rendit i ditës, vazhdojmë me pikën e 3 shqyrtimi i procesverbalit nga mbledhja e kaluar, e hap diskutimin, pasi që nuk ka për diskutim, shkojmë me votim, konstatojmë se me 25 vota për, asnjë kundër, asnjë abstenim miratohet procesverbali nga mbledhja e kaluar, vazhdojmë me pikën e radhës Propozim-vendim për Formimin e Komisionit Komunal të Aksionarëve për Ndërmarrjen Publike Regjionale të Mbeturinave Uniteti SH.A Mitrovicë, (raporton Kryetari i Komunës z. Sami Lushtaku).

Kryetari i Komunës, z. Sami Lushtaku – Faleminderit Kryesuese, përshëndetje për të gjithë, të nderuar përfaqësues të OSBE-së, shoqërisë civile, ju anëtar të Kuvendit, në rend dite kemi

formimin e komisioneve komunale te ndërmarrjeve, ne këtë raste Aksionarëve për Ndërmarrjen Publike Regjionale të Mbeturinave Uniteti SH.A Mitrovicë, propozoj formimin e komisionit prej 3 anëtareve, 1 anëtar i propozuar nga Kryetari ne këtë rast nga unë qe do ia sjelli sekretarisë propozimin për vendim si dhe 2 anëtar nga Kuvendi, kërkoj nga grupet politike ti japni dy propozime.

Alban Berisha PDK- Faleminderit Kryesuese, përshëndetje për të gjithë krahas propozimit te Kryetarit edhe ne si grup parlamentar i PDK-së kemi dy emra për anëtar te komisionit te aksionarëve të Uniteti, Burim Veliu dhe Sefer Bajraktari, faleminderit,

Nezir Bejta, LVV- Faleminderit, përshëndetje për të gjithë, për këtë komision propozoj Floriana Halili.

Kryesuesja e Kuvendit, Adelina Spahiu – Alija – Faleminderit për propozimet, një sqarim shtesë për propozimet te ekzekutivit, emrin nga ekzekutivi do ta sjellë Kryetari ne sekretari për vendim, me qenë se i kemi 3 propozimet na u duhet ti kalojmë ne votim një nga një, propozimi i parë Burim Veliu, votojmë kush është për, kush është kundër, abstenim, shkojmë me propozimin e dytë Sefer Bajraktari, kush është për, kundër abstenim, kush është për propozimin e 3 Floriana Halili, kush është për, kundër abstenim, Atëherë Burim Veliu ka marr 21 vota për 0 kundër dhe 4 abstenime, Sefer Bajraktari 21 për 0 kundër dhe 4 abstenime, Floriana Halili 3 për 21 kundër 1 abstenim, atëherë Burim Veliu dhe Sefer Bajraktari marrin votat e mjaftueshme për te qenë pjesë e komisionit te aksionareve te ndërmarrjes regjionale te mbeturinave unitetit, është procedurë e votimit si tërësi propozim vendimi te votohet, konstatojmë se me 21 vota për 3 kundër dhe 1 abstenim miratohet Propozim-vendim për Formimin e Komisionit Komunal të Aksionarëve për Ndërmarrjen Publike Regjionale të Mbeturinave Uniteti SH.A Mitrovicë, vazhdojmë me pikën e 5 të rendit të ditës, Propozim-vendim për Formimin e Komisionit Komunal të Aksionarëve për Ndërmarrjen Publike Lokale Eko –Natyra SH.A, Skenderaj,(raporton Kryetari i Komunës z. Sami Lushtaku).

Kryetari i Komunës, z. Sami Lushtaku –Faleminderit Kryesuese, ne rënd dite kemi formimin e komisioneve komunale te ndërmarrjeve, ne këtë raste Aksionarëve për Ndërmarrjen Publike Lokale Eko – Natyra Skenderaj , propozoj formimin e komisionit prej 3 anëtareve, 1 anëtar i propozuar nga Kryetari ne këtë rast nga unë qe do ia sjelli sekretarisë propozimin për vendim si dhe 2 anëtar nga Kuvendi, kërkoj nga grupet politike ti japni dy propozime.

Kryesuesja e Kuvendit, Adelina Spahiu – Alija – Faleminderit Kryetar, e hap diskutimin për propozime.

Alban Berisha PDK- Faleminderit Kryesuese, si grup parlamentar i PDK-së, japim këto propozime për anëtarë ne komisionin e aksionareve për ndërmarrjen publike lokale Eko – Natyra Skenderaj, Ervin Rexhepi dhe Abdullah Gashi.

Nezir Bejta, LVV- Faleminderit, për këtë komision propozoj Floriana Halili.

Kryesuesja e Kuvendit, Adelina Spahiu – Alija - Me qenë se i kemi 3 propozimet na u duhet ti kalojmë ne votim një nga një, propozimi i parë Ervin Rexhepi, votojmë kush është për, kush është kundër, abstenim, shkojmë me propozimin e dytë Abdullah Gashi , kush është për, kundër abstenim, kush është për propozimin e 3 Floriana Halili, kush është për, kundër abstenim, Atëherë Ervin Rexhepi ka marr 21 vota për 0 kundër dhe 3 abstenime, Abdullah Gashi 21 për 0 kundër dhe 1 abstenim, Floriana Halili 3 për 21 kundër 1 abstenim, atëherë Ervin Rexhepi dhe Abdullah Gashi marrin votat e mjaftueshme për te qenë pjesë e komisionit te aksionareve te ndërmarrjes publike lokale Eko - Natyra, Skenderaj, vazhdojmë me pikën e 6 të rendit të ditës, Propozim-vendim për zgjedhjen e përfaqësuese të Komunës se Skenderajt për Asociacion të Komunave të Kosovës,(raporton Kryetari i Komunës z. Sami Lushtaku

Kryetari i Komunës, z. Sami Lushtaku – Faleminderit Kryesuese, ky propozim ka të bëjë me asociacionin e komunave ne te cilin një përfaqësues është Kryetari i Komunës ne këtë raste unë si dhe dy anëtar nga Kuvendi, ju kërkoj qe ti jepni propozimet.

Kryesuesja e Kuvendit, Adelina Spahiu – Alija - Faleminderit Kryetar, vazhdojmë me propozimet.

Alban Berisha PDK- Faleminderit Kryesuese, për asociacion të Komunave krahas përfaqësuesit nga ekzekutivi, nga grupi parlamentar i PDK-së, propozojmë Dardan Shala dhe Avdullah Geci.

Nezir Bejta, LVV- Për këtë komision propozoj Hysni Mehani.

Hysni Mehani, LVV – Kjo qe po ndodh është e pa parunshme mos përfshirja e opozitës ne asnjë komision për te cilën do të ankoj në MAPL e ju grahni.

Kryesuesja e Kuvendit, Adelina Spahiu – Alija - Pasi qe edhe këtu i kemi 3 propozime, shkojmë ne votim një nga një, votojmë për propozimin e parë Dardan Shala, kush është për, kundër abstenim, propozimin e dytë Avdullah Geci, kush është për, kundër abstenim, shkojmë me propozimin e trete Hysni Mehani kush është për, kundër, abstenim, atëherë Dardan Shala merr 21 vota për 2 kundër dhe 1 abstenim, Avdullah Geci merr 21 për, 3 kundër dhe 1 abstenim, dhe Hysni Mehani 3 për, 21 kundër dhe 1 abstenim, atëherë Dardan Shala dhe Avdullah Geci marrin votat e mjaftueshme për te qenë pjesë e asociacionit të Komunave, shkojmë ne votim ne tërësi te Propozim-vendim për zgjedhjen e përfaqësuese të Komunës se Skenderajt për Asociacion të Komunave të Kosovës, konstatojmë se me 21 vota për 3 kundër dhe 1 abstenim miratohet propozim vendimi për asociacion te Komunave, vazhdojmë me piken e radhës Propozim – vendim për Formimin e Komisionit për Zgjedhjen e Këshillave të Fshatrave, (raporton Kryetari i Komunës z. Sami Lushtaku).

Kryetari i Komunës, z. Sami Lushtaku –Kryesuese, propozimi i radhës është për zgjedhjen e komisionit për zgjedhjen e këshillave lokale te fshatrave, komision qe do te përbehet nga 4 anëtar nga Kuvendi, 1 anëtar ekzekutivi, 1 nga shoqëria civile dhe 1 anëtar nga vendbanimi, lokaliteti, nga ekzekutivi do e përcjellim emrin ne sekretari për vendim, kërkoj nga Kuvendit ti japni propozimet.

Kryesuesja e Kuvendit, Adelina Spahiu – Alija - Faleminderit Kryetar, e hapi diskutimin, kërkoj ti jepni propozimet për komision.

Fikret Rexhepi, PDK – Faleminderit Kryesuese, i nderuar Kryetar, për këtë komision propozoj Alban Berisha.

Nezir Bejta, LVV- Faleminderit Kryesuese, pasi qe nuk kaluan propozimet qe i dhashë me herët, po e propozoj veten tash.

Hisni Avdullahi, Iniciativë Qytetare – Faleminderit, propozoj Afrim Kabashi.

Afrim Kabashi, NSD – Unë propozoj Hisni Avdullahi.

Kryesuesja e Kuvendit, Adelina Spahiu – Alija - Atëherë shkojmë ne votim, me propozimet e marra, konstatojmë se me 25 vota për, 0 kundër dhe 0 abstenim miratohet propozim – vendimi për formimin e komisionit për zgjedhjen e këshillave te fshatrave bashkë me propozimin qe do ta sjellë Kryetari ne Sekretari për vendim, vazhdojmë me pikën e 8 të radhës Propozim – vendim për Formimin e Komisionit për Shqyrtimin e Ankesave për Procesin e Zgjedhjes se Këshillave të Fshatrave, (raporton Kryetari i Komunës z. Sami Lushtaku).

Kryetari i Komunës, z. Sami Lushtaku – Pika e 8 e rendit te ditës ka te beje me formimin e komisionit për shqyrtimin e ankesave ne procesin e zgjedhjes se këshillave të Fshatrave, komision qe do të përbehet nga 3 anëtarë nga Kuvendi, ju kërkoj qe ti jepni propozimet.

Kryesuesja e Kuvendit, Adelina Spahiu – Alija - E hap diskutimin.

Alban Berisha, PDK –Faleminderit Kryesuese, nga grupi parlamentar i PDK-së, për këtë komision propozoj Arlinda Haliti dhe Ferdane Beqiri – Emini.

Afrim Kabashi, NSD- Faleminderit Kryesuese për këtë komision propozoj Feriz Shala.

Kryesuesja e Kuvendit, Adelina Spahiu – Alija - Atëherë shkojmë ne votim për këtë propozim, konstatojmë se me 22 për, 0 kundër dhe 3 abstenim miratohet Propozim – vendim për Formimin e Komisionit për Shqyrtimin e Ankesave për Procesin e Zgjedhjes së Këshillave të Fshatrave, vazhdojmë me pikë 9 të radhës Propozim – Vendim për rishqyrtimin e Vendimit Nr. 01-020.01-0004914/26 i datës; 03.02.2026, për Formimin e Komitetit për Politik dhe Financa. (raporton Kryesuesja e Kuvendit znj Adelina Spahiu Alija), propozimi në fjale ka të bëjë me rishqyrtimin e vendimit për formimin e komitetit për politik dhe financa i miratuar në seancën e kuvendit të datës 30.01.2026, bazuar në rekomandimin e MAPL-së për rishqyrtim që kërkohet anëtarja Floriana Halili të zëvendësohet me një anëtar nga i njëjti subjekt politik duke e ruajtur përfaqësimin politik në komitet, e hap diskutimin për këtë pikë të rëndit të ditës.

Nezir Bejta, LVV- Faleminderit Kryesuese puna e këtij komisioni është bërë si ura e shenjet dikush natën po e rrënon, shpresoj kësaj radhe të rregullohet, në prapë e kemi të njëjtin propozim Hysni Mehani.

Kryesuesja e Kuvendit, Adelina Spahiu – Alija - Atëherë shkojmë me votim, konstatojmë se me 20 vota për, 1 kundër dhe 1 abstenim miratohet Propozim – Vendim për rishqyrtimin e Vendimit Nr. 01-020.01-0004914/26 i datës; 03.02.2026, për Formimin e Komitetit për Politik dhe Financa, vazhdojmë me pikën e 10 të rëndit të ditës, Propozim – vendim për iniciimin e procedurës së hartimit të Planit Zhvillimor të Komunës së Skenderaj për vitin 2026-20234,(raporton drejtori i urbanizmit z. Arbnor Çitaku).

Arbnor Çitaku, DUMA – Faleminderit Kryesuese, përshëndetje për të gjithë, propozim – vendim për miratimin e vendimit për iniciimin e procedurës së hartimit të planit zhvillimor komunal të Komunës së Skenderajt 2026-2034, ky plan përfshin zhvillimin e zonave urbane dhe rurale për periudhën 8 vjeçare, ky plan ka kaluar periudhën 8 vjeçare me 31.12.2025, planin do ta hartoj një kompani profesionale në bashkëpunim me ekspertet e fushës me pas do të kalojë fazën e diskutimit publik dhe për miratim në kuvend, ju ftoj që ta përkrahni këtë propozim vendim.

Kryesuesja e Kuvendit, Adelina Spahiu – Alija - Faleminderit drejtor, e hapi diskutimin

Hysni Mehani, LVV –Faleminderit Kryesuese, përshëndetje për të gjithë, e di drejtor si je rishtoj në këtë pozitë, në qeverisje lokale është problem me procedurën në këtë formë po don me inicim PZHK po nuk po i ke të karta kompetencat, këtu në propozim është cek nëni 58 për kompetencat të Kryetarit që thotë propozon rregullore apo akte tjera për miratim në Kuvend, nuk është kompetencë e drejtorit në këtë rast, është problem se si e ke inicim sepse është dashtë të vijë nga Kryetari ky propozim, nuk mundet drejtori i drejtorisë me inicim rregullore, tjetër kpf duhet të trajtoj këto çështje e pastaj të vijën në Kuvend.

Arbnor Çitaku, DUMA- Hysni ky është vetëm fillimi i procedurës, pastaj do të vijë edhe për miratim këtu në Kuvend.

Hysni Mehani, LVV – Në parim është në rregull është inicim, po qikë inicim duhet me ardhë nga Kryetari, e tregoni mua se nëni 62 cila pikë ja mundëson drejtorit me inicim procedurë, Mapl-ja do ua kthen të jashtëligjshëm.

Rrezarta Hasani – Ibrahim, PDK- Faleminderit Kryesuese, përshëndetje për të gjithë, sa i përket PZHK-së konsideroj se ky dokument është e nevojshme të jete në harmoni me legjislacionin në fuqi, dhe me standartet ligjore në mënyrë që të shmangeni paqartësi juridike, pastaj tek nëni 4 i propozimit kam një vërejtje tek kontraktimi i kompanisë hartuese të planit, kompetencë e zhvillimit të procedurave është prokurimi publik e jo Duma, faleminderit.

Kryesuesja e Kuvendit, Adelina Spahiu – Alija -Atëherë shkojmë me votim, konstatojmë se me 21 vota për, 3 kundër dhe 0 abstënim miratohet Propozim – vendim për iniciimin e procedurës së hartimit të Planit Zhvillimor të Komunës së Skenderajt për vitin 2026-20234, vazhdojmë me pikën e 12 Pyetjet e këshilltarëve nën pikën të ndryshme.

Vlora Jashari, PDK- Faleminderit Kryesuesë, përshëndetje për të gjithë, po i lexoj pyetjet e parashtruara, 1. Çfarë hapa konkretë ka ndërmarrë Komuna e Skenderajt për krijimin e vendeve të reja të punës për të rinjtë? 2. A ka komuna një plan të strukturuar për dokumentimin, arkivimin dhe botimin e historisë së Skenderajt (dëshmi, fotografi, dokumente, kujtime), dhe pse deri më tani kjo fushë është lënë kryesisht në iniciativa individuale? 3. A ka Komuna e Skenderajt ndonjë strategji konkrete për mbajtjen e fermerëve të rinj në bujqësi? si dhe një pyetje shtesë shqetësim i qytetareve lidhur me funksionimin e barnatoreve kujdestare disa prej tyre nuk po janë hapur gjate kujdestarisë

Kosovare Ahmetaj, DKRS - Faleminderit Kryesuesë, përshëndetje për të gjithë, në kuadër të DKRS-së e kemi arkivin për mbrojtjen dhe ruajtën e lëndëve arkivore ka dokumente dhe të dhëna që nga viti 1945, arkivi që shërben si pikë referuese për studiues, nxënës dhe student që shërben për hulumtim, arkivi është i hapur çdo ditë pune nga ora 08; 16, që mund të shërbehen të gjithë.

Besarta Meha, DZHENIT – Faleminderit Kryesuesë, përshëndetje për të gjithë, sa i përket politikave për punësimin e të rinjëve në si Komunë në kuadër të drejtorisë kemi mbështetur 100 të rinjë kanë përfituar nga projektet tona në punë praktike me pagës, e disa prej tyre kanë fituar vende pune nga këto projekte, si dhe kemi përkrah projekte të ndryshme rinore me grande dhe subvencione.

Hasan Hoti, DSHMS – Faleminderit Kryesuesë, përshëndetje për të gjithë, sa i përket barnatoreve kujdestare, në si drejtori në fund të çdo muaji e bëjmë orarin e kujdestarisë që ua përcjellim barnatoreve, çdo barnatore obligohet ta vendos orarin e shërbimit të saj, ndërsa inspektorati e përcjell funksionimin e tyre.

Afrim Kabashi, NSD- Faleminderit Kryesuesë, fillimisht një kompliment për drejtorin e shëndetësisë që e kemi përkrah një rast të Polacit, 1. A pritët në vazhdimin e punimeve në projektin ndriçimi publik nëpër fshatra, projekt i lënë në gjysmë të realizimit si në disa lagje të fshatit Polac. 2. Për drejtorin e arsimit, drejtor a pritët për fillimin e punimeve për ndërtimin e çerdhës fëmijëve në fshatin Polac, projekt i premtuar nga mandati i kaluar. 3. Për urbanizmin a pritët vazhdimi i projektit kyqjet individuale dhe kur pritët të këtë ujë për pije nga rrjeti i ujësjellësit për banoret e Fshatit Makerrmal.

Arber Geci DSHP – Përshëndetje për të gjithë, sa i përket pyetjes së Afrimit rreth projektit të ndriçimit, kemi filluar me këtë projekt, kompania bashkë me menaxher të projektit janë në teren, me përmirësim të kohës do realizohet mirë ky projekt.

Kastriot Duraku, DKA- Sa i përket çerdhës në Polac, është projekt i Ministrisë po besoj këto vite do të përfundoj.

Arbnor Çitaku, DUMA- Fshati Makerrmal lidhet me ujësjellësin e Rezalles, është shpërnda deri në Rezall, e do vazhdon edhe në Makerrmal me kyçje.

Afrim Kabashi, NSD- Drejtor tregon lokacionin e çerdhës në Polac.

Kastriot Duraku, DKA- Lokacioni i çerdhës është afër shkollës fillore të Polacit.

Kushtrim Dragaj, PDK – Faleminderit Kryesuesë, përshëndetje për të gjithë, po i paraqes pyetjet e mia rreth rrugës Llaushë – Skenderaj, pas reshjeve të fundit në rrugën Llaushë, Skenderaj tek prroi i keq uji ka bartur zhavorr kah skaji i rrugës si pasojë e kësaj ka pasur aksidente në atë pjesë, është e nevojshme të ndërmerrni masa në atë pjesë, I nderuar Drejtor i Gjeodezisë, Me datë 08 prill 2026 bëhen dy (2) vite nga vendosja e gurthemelit të xhamisë së re pranë Shkollës Profesionale,

në parcelën e ndarë nga Komuna e Skenderajt për Bashkësinë Islame të Kosovës – Dega Skenderaj. Kërkesa e Bashkësisë Islame është e protokolluar në Komunë dhe projekti është i përfunduar në letër, i gatshëm për aplikim për leje ndërtimore. Po ashtu, ju njoftoj se donatori ka qenë i lajmëruar që nga fillimi për realizimin e këtij projekti. Andaj, kërkoj nga ju që kjo çështje të procedohet pa vonesa dhe, në mundësinë e parë ligjore, të silltet në Kuvend Komunal për dhënie në shfrytëzim dhe votim, në përputhje me ligjet në fuqi. Kërkoj veprime konkrete dhe mosneglizhencë, duke pasur parasysh rëndësinë publike dhe interesin qytetar të këtij projekti

Arbnor Çitaku, DUMA- Kushtrim kërkesa të tilla ka të shpeshta, sot e kemi diskutuar me kompanin atë problem shumë shpejt do ta zgjidhim atë problem.

Granit Musliu, DGJKP- Sa i përket dhënies së pronës për Xhami, vitin e kaluar ka pasur zgjedhje parlamentare e lokale, e ligji e ndalon në atë fazë me jap pronë në shfrytëzim, prandaj për këtë arsye nuk ka qenë e mundur, tash kemi procedu listën e pronave për dhënie në shfrytëzim, e që do të trajtojmë të gjitha lëndet, edhe kësaj çështje do të bëjmë zgjidhje.

Nezir Bejta, LVV- Faleminderit Kryesues, po i lexoj pyetjet e parashtruara për këtë seancë, Pyetje për drejtorin e DKA-së, zotin Kastriot Duraku si asambletist i Kuvendit Komunal, ju drejtohem me disa pyetje që janë shqetësues, jo vetëm për mua. Pyetja e parë ka të bëjë me rrjedhën e ujërave të zeza në oborrin e gjimnazit “Hamëz Jashari”, që paraqet një rrezik permanent për shëndetin e nxënësve. Zoti Drejtor, a keni njohuri për rrjedhën e këtij uji dhe cili do të jetë veprimi juaj? Edhe pyetja tjetër ka të bëjë me gjimnazin, të cilit gjatë renovimit i është mbyllur njëra hyrje, duke shkakuar kështu vështirësi në lëvizjen e nxënësve. Pyetja ime është: a do ta hapni hyrjen tjetër, ashtu siç ishte më parë, dhe a do të ketë shkallë emergjente për shkak të sigurisë së nxënësve, në rast të fatkeqësive natyrore? Pyetja e tretë ka të bëjë me SHFMU “Rifat Mëziu”, e cila u formua me bashkimin e dy shkollave, “Shaban Jashari” dhe “Ahmet Delia”, nga klasa e 6 deri 9. Pyetja është: cila ishte arsyeja që e zgjodhet këtë model, pasi që shumë pak shkolla e praktikojnë në Kosovë?

Kastriot Duraku, DKA- Sa i përket pyetjes për ujera të zeza, atë është problemi me gyp të ujësjellësit e jo ujera të zeza, ku ne i kemi njoftuar ujësjellësit kanë intervenuar mirëpo prape ka rrjedhe të ujit të pijshëm e që prape do të njoftojmë, për shkallë emergjente kemi pasur problem me buxhet mirëpo këtë vite do të rregullojmë, sa i përket bashkimit të shkollave është bere për shkak se të dy shkollat kanë pasur numër të sterngarkuar të nxënësve dhe nuk jemi Komuna e vetme se i kemi bashku, kur kame dërgua kërkesën në Ministri kemi qenë të 109, domethënë edhe shumë Komuna kanë vepruar kështu.

Nezir Bejta, LVV- Tash është ngarkuar edhe Shkolla Rifat Mziu, me rreth 30 deri 35 nxënës me një klasë, domethënë është dashur me herët të behet një analize ndonjë komision profesional me mendu me afat gjate për këtë çështje.

Kastriot Duraku, DKA- Shkolla Fillore Shaban Jashari ka pasur numër të madh të nxënësve diku 1500-1600, me shume se Shkolla Rifat Mziu, vitin e ardhshëm mendojmë me hap paralele të reja në atë Shkollë.

Kryesuesja e Kuvendit, Adelina Spahiu – Alija Pasi veç i trajtuam të gjitha pikat e rendit të ditës, e konsideroj të mbyllur këtë seancë.

Procesmbajtësi



Kryesuesja e Kuvendit

